

नागपुरी बेयाकरन में बचन आउर कारक कर कारन बिसेसन में कोनों तझर बदलाव नह होयला।

जइसन : बेस घोड़ा, बेस छउवा, नावाँ गाड़ी, नावाँ घर।

जोन सब्द संगया आउर सर्बनाम का बिसेसता बतायला उकेहें बिसेसन कहल जायला।

जइसन : इ फूल सुंदर आहे, हियाँ 'सुंदर' बिसेसन हेके।

आउरो उदाहरन :

बेस

- इ बेस छउवा हेके।

करिया

- उकर घोड़ करिया हय।

सुंदर

- इ फूल सुंदर हय।

बिसेसन कर मुध काज

1. बिसेसता बतायक : बिसेसन से कोनों बसुत चाहे अदमी कर बिसेसता बताल जायला।
 2. हीनता बतायक ले : बिसेसन हिनताव बतायला।
 3. अरथ सीमित करेला : अंधरी छोंडी।
 4. संख्या निर्धारित करेला : इ संख्या हों निर्धारित करेला।
 5. परिनाम चाहे मातरा बतायला : इकर से मातरा हों बताल जायला।
- जइसन : दूझ ठो छगरी।
- जइसन : चाइर किलो गोंदली।

बिसेसन कर भेद :

अरथ कर नज़इर से बिसेसन कर चाइर भेद होवेला -

1. गुनबाचक बिसेसन
2. संख्याबाचक बिसेसन
3. परिमानबाचक बिसेसन
4. सार्वनामिक बिसेसन

1. गुनबाचक बिसेसन : जोन बिसेसन से गुन, माने संगेया आउर सर्बनाम सब्दमन में गुन चाहे दोस (रंग, अकार, ठाँव, बेरा, चाइल-चलन आदि) बताय, उके गुन बाचक बिसेसन कहयँना।

जड़सन : उ जोरगर हय। हियाँ जोरगर गुन बाचक बिसेसन हय।

आउरो उदाहरन :

बढ़िया	- गाँव कर मुखिया बढ़िया अदमी लागे।
जोरगर	- उकर बेटा जोरगर हय।
बुझगर	- राम एगो बुझगर अदमी हेके।
खराब	- उकर मरद खराब हय।
लोभी	- उ अदमी बड़ा लोभी हय।
पापी	- पापी अदमी भोइग-भोइग के मोरेला।
करिया	- करिया गाय कर दूध बड़ा स्वाद लागेला।
पीयर	- बीहा में कनेया के पीयर लुगा पिंधाल जायला
ढाँगा	- तोर बेटा ढाँगा हय।
पातर	- इ गछ एकदमे पातर हय। हमर हाथ-गोड़ पातर हय।
जीव खराब	- एक हफता ले हमर जीव खराब हय।
बिहान/भोर	- बिहान होय गेलक, अब उठ।
साँझ	- साँझ बेरा गरू-छगरी सब घर आय जायँना।
राती	- राती ढेइर कनकनी लागलक।
मीठा/गुरुवा	- घरक दूध मीठा/गुरुवा होवेला।
नूनछर	- कुईया (इंद्रा) कर पानी नूनछर लागत हे।

2. संख्या बाचक बिसेसन : जे सब्द कोनो बसतु इया अदमी कर संख्या कर बोध करूवायँना; उनके संख्या बाचक बिसेसन कहयँना। **जड़सन :** मोर ठन दस ठो संतरा आहे। हियाँ दस संख्या बाचक बिसेसन हय।

उदाहरन ले :

चाइर	- हामर ठन चाइर ठो कमला लेंबू आहे।
तीन	- तीन ठो छउवामन इस्कूल जात हयाँ।

शिवांगन पब्लिकेशन

- आठ ठो बउकला गछ में बइठल आहयँ।
- पाँच ठो अदमीमन बन जा हयँ।
- हामरे कर एक कोरी पठरू-छगरी आहे।

3. **परिमान बाचक बिसेसन :** जे सब्द कोनो बसुत कर नापा-जोखा इया मात्रा कर बोध करूवायँना, उके परिमान बाचक बिसेसन कहयँना।

जड़सन : किलो भइर आटा, एक लीटर दूध, दूझ मन धान आदि।

उदाहरन ले :

- मीटर - चाइर मीटर लुगा दे।
- केजी (किली ग्राम) - दूझ केजी आटा किन के लान।

4. **सार्वनामिक बिसेसन :** जोन सर्वनाम कर परजोग बिसेसन जड़सन होयला, उके सार्वनामिक बिसेसन कहयँना।

जड़सन : उ छउवा कने गेलक? इकर में 'उ' सार्वनामिक बिसेसन हेके। नागपुरी में असमान देखायक ले बिसेसन कर आखरी में टा, ठा, रा, हा जोइड़ देल जायला।

- | | | | |
|---------|-------|------|----------|
| जड़सन : | करिया | - ठा | - करियठा |
| | जरल | - हा | - जरलाहा |
| | नाटा | - रा | - नटरा |

